

أهلا رمضان



حقوق الطبع محفوظة لكل مسلم بشرط عدم الاستخدام التجاري
مع تحيات مدرسة رواق الحنبليات

أهل رمضان

أحكام الصيام


عبد المذهب الحنبلي للأطفال

مدرسة
رواق الحنبليين
رجب - ١٤٤٠

أهلاً رمضان

أحكام الصيام على المذهب الحنبلي
للأطفال

مدرسة رواق الحنبليين



شَهْرُ رَمَضَانَ الَّذِي أُنْزِلَ فِيهِ الْقُرْآنُ
هُدًى لِّلنَّاسِ وَبَيِّنَاتٍ مِّنَ الْهُدَى
وَالْفُرْقَانِ ۚ



مرحباً يا أصدقائي ... سنصحبكم في رحلة
للتعرف على شهر رمضان وبعض أحكامه
رحلة ممتعة... رمضان كريم مبارك علينا
جميعاً

وكل عام وأنتم بخير وإلى الله أقرب وعلى
طاعته أدوم

متى يبدأ الشهر؟

لما نشوف الهلال .. بتكون ليلة كلنا منتظرين والناس بتخرج للأماكن المفتوحة تنظر للسماء


أول ما بيعلنوا أنهم شافوا الهلال
بننوي الصيام وبنصلي التراويح



يعني أيه صيام؟

يعني نية من الليل مع ترك الأكل والشرب وكل المفطرات من الفجر لحد المغرب ...

مينفعش ناكل ولا نشرب في الوقت ده وبننوي قبل الفجر أن ده صيام رمضان
كمان محتاجين نحتسب الأجر ونستحضر قداسة الشهر وعظمته وأنا
بنصوم محبة لله تعالى ورغبة في الأجر الكبير من الله





قال رسول الله ﷺ: " من صام
رمضان إيماناً واحتساباً غفر له ما
تقدم من ذنبه



أنا ليلي سأصوم هذا
العام بإذن الله... هذا
أول عام أصوم
فيه ... سأجتهد
وأحاول ...

يا أصدقائي من
سيصوم معي؟

وأيه فائدة الصيام؟

1- احنا بنصوم عشان الأجر من الله وده أهم شيء ... فأكبر فائدة هو رضا الله عنا وأن ربنا يغفر لنا ويقبلنا ويجعلنا من أهل الجنة

2- الصيام بنتعلم منه الأمانة ... محدش هيعرف أن فعلا صايم ولا أكلت في السر غير ربنا عز وجل ..

3- الصيام بيعلمنا نحس بالآخرين ... فيه ناس مش عندهم فلوس ولا أكل ولا شرب ... فنفتكرهم ونحس بيهم.

4- الصيام بيعلمنا الصبر .. احنا قدرنا نترك الأكل والشرب بكدة يكون المسلم قوي ومفيش أي شهوات تكسره وتخلي حد يستغله ... لأنه اتعلم في مدرسة رمضان أنه بعون الله يقدر يترك الحلال ... وده يخليه يستعين بالله ويكون قويا بالله ويترك الحرام



ليه الفقير يصوم إذا هو أصلا فقير؟

لأن مهما كنت فقير فيه فقر أشد

ولأن عدم الأكل بدون نية مش صيام ومفيهوش أجر

ولأن الصيام فيه حكم كثيرة غير الشعور بالفقراء .. والصيام

فرض وشعيرة من شعائر الإسلام تظهر محبتنا لله وطاعتنا له

قبل أي شيء





انا مش بقدر اصوم

اذا كنت لسة صغير فعادي انك متقدرش تصوم ...
مممكن نتدرب على الصيام بالتدريج عشان لما نكبر نقدر نصوم.
كمان لازم نتسحر كويس ونعتني بالتغذية باستمرار ونهتم بصحتنا
وقبل اي شيء لازم نستعين بالله
وندعي ربنا يعيننا على الصيام والقيام وقراءة القرآن



تذكر:

المشقة في العبادة لذيدة لأننا
بنعمل الحاجة بحب الله ورجاء
الأجر والثواب



طب لو نسيت واكلت

لو نسيت واكلت خلاص هتكمل صيامك عادي .. ولو شفت صاحبك بياكل وهو ناسي لازم تفكره لأن ده من الأمر بالمعروف.



طب لو اكلت وانا فاكر

ليه كدة يا جميل .. كدة تبقى فطرت
خلي عزيמתك كبيرة وجرب تاني

ازاي اسلي صيامي

احنا اتفقنا ان رمضان غير كل الشهور

مش هنسلي صيامنا بمشاهدة الكرتون طول النهار .. ولا هنفضل نايمين
كسلانين..

هنعمل رمضان مختلف ... نساعد امهاتنا ونبرهم ... نلعب العاب ذكاء ...
نعمل اعمال يدوية ... نقرأ سيرة وقصص الأنبياء وقصص الصحابة ... نتعلم
حاجة عن ديننا .. رمضان لازم يكون مختلف عن كل شهور السنة



ابدأوا يا أصدقائي قبل رمضان
حضروا للأنشطة الي هنعملها
خلال الشهر

سلوكنا في الصيام

اتفقنا ان رمضان شهر مختلف ... عاوزين نطبق كل الاخلاق الحلوة الي ربنا امرنا بيها

١ - منشتمش ابدا واحنا صايمين لازم نحاول نمسك لساننا

٢ - لو حد شتمنا نقول «اني صائم»

٣ - في وقت الصوم نحاول منعملش دوشة وعفرتة «لا نصخب» عشان منتعشب بسرعة وكمان عشان يكون عندنا هدوء وسكينة تعظيمًا لرمضان.

قال رسول الله ﷺ: "إِذَا أَصْبَحَ أَحَدُكُمْ
يَوْمًا صَائِمًا، فَلَا يَرْفُثْ وَلَا يَجْهَلْ، فَإِنْ
امْرُؤٌ شَاتَمَهُ أَوْ قَاتَلَهُ، فَلْيَقُلْ: إِنِّي صَائِمٌ،
إِنِّي صَائِمٌ"





بنشوف الكبار بيقرأوا قرآن كثير في رمضان .. اשמعني؟

لأن رمضان شهر القرآن .. رمضان هو الشهر الي نزل فيه القرآن ... القرآن كلام الله بنقرأ طول السنة لأن الي بيحب حد بيحب كلامه ... وكمان بنحفظه ... لما بيحي شهر رمضان بنزود القراءة عشان فضل الأعمال الصالحة في رمضان كبير جدا أكثر من الشهور العادية، والقرآن لشهر القرآن



انا سلمى .. هختم القرآن
لأني بعرف أقرأ ... مين
هيختم معايا؟

طب أنا اسمي سمر
ومش بعرف أقرأ ..
هعمل أيه؟



ممكن تسمعي القرآن من الكبار أو تتفقي مع
مامتك تشتغل لك القرآن كل يوم جزء
رمضان غير كل الشهور



انا اسمي نور الدين .. بلاقي
والدي بيروح المسجد
لصلاة العشاء وبيطول
جدا في الصلاة .. اشمعني؟



لأن باباك بيصلي بعد العشاء صلاة
التراويح.. عدد ركعاتها 20 ركعة
وبتصلي جماعة وأجرها كبير جدا

قال رسول الله ﷺ: " من قام
رمضان إيماناً واحتساباً غفر له ما
تقدم من ذنبه





سنن الصيام

١- تأخير السحور

٢- تعجيل الفطر

٣- أن يفطر على

فإن لم يجد فماء



فإن لم يجد فتمر



على رطب



٤- أن يدعو عند فطره ...

اجتهدوا في الدعاء أن يعيننا الله

وان يتقبل منا

وأن يصلح قلوبنا وأعمالنا

وان يرزقنا حفظ كتابه والعمل به

وان يجعلنا ووالدينا من أهل الجنة



٥ - أن يقول عند فطره

دعاء من هذه الأدعية المأثورة

مرحباً أنا ياسمين ..
سأعلمكم بعض الأدعية
المأثورة عند الفطر



اللهم لك صمت، وعلى
رزقك أفطرت،
سبحانك وبحمدك،

الحمد لله الذي
أعاني فصمت

ذهب الظمأ وابتلت
العروق وثبت الأجر إن
شاء الله

مين هينافسني في رمضان ... أنا
هعمل جدول وأرتب وقتي
وانافس أصحابي ... الشهر
العظيم ده لازم يكون مميز
ومختلف بإذن الله

أول حاجة هعملها عارفين أيه؟
هستعين بالله وأستحضر كل نعم الله
عليا عشان أقوي محبتي لربنا
وهتعرف على أجر الصيام أكثر عشان
أحتسب الأجر ... المعاني الإيمانية
مهمة جدا في حياتنا

